



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlm LVI. Massana.

---

[urn:nbn:de:hbz:466:1-62559](#)

## Massana.

## PARAPHRASIS.

Prohibet Gregor. IX. Pontifex, ne laici vñ cum Canonicis Episcopum eligere presumant; Sin id factum fuerit, electionem irritam esse decernit; non obstante contraria consuetudine, quæ dici debet potius corruptela.

## SUMMARIUM.

1. Non valeat electio Prælati ecclesiastici facta per laicos & Canonicos.
2. Per laicos intelliguntur seculares, non laici religiosi seu Conuersi, qui per consuetudinem immemorialis temporis facultatem eligendi acquirere possunt.
3. Nulla vñquam consuetudine ius eligendi ecclesiasticum Prælatum acquirere possunt persona laica, & seculares.

**N**O T A N D V M II. Ad electionem canonicam Prælati non sufficiunt consensus singulares, seu singulorum Capitularium, sed subsequi debet communis electio modo collectuo enunciata: *Ego nomine meo, & omnium consentiuntium, eligo, &c.* Ita hic, & in c. quia propter 42. hoc tit. in c. sicut 21. eod. in 6. Ratio est: *Quia ita visum fuit sacrorum canonum conditoribus, vt Prælati electio sicuti non sit à personis particularibus, sed à congregatione sive collegio, ita etiam verbis explicaretur.* Verum id duntaxat locum habet in ecclesiasticis electionibus Prælatorum, in quibus necessariò obseruari debet forma præscripta in cit. c. quia propter; non autem in Capitularibus electionibus ad alios personatus, vel beneficia, in quibus sufficit, si consensus à singulis secundum maiorem presentis Capituli partem explicitur, cùm neque naturali iure, aut consideratâ naturâ electionis secundum se, plus requiratur. Et hæc est doctrina Gl. à pluribus recepta in cit. c. sicut, ver. formam.

Cætera, quæ in hoc c. continentur, alibi allegato hoc ipso c. declarauit, præsertim in cit. c. quia propter, & cit. c. Cumana.

**N**O T A N D V M I. Irrita est electio, si laici vñ cum clericis ad Prælati ecclesiastici electionem concurrant. Ita hic, & communiter c. quisquis 43. hoc tit. Pro declaratione quædam animaduertenda: Primum. Matrem huius prohibitionis, ac penalis constitutionis esse, ne laici vñ cum clericis concurrant ad eligendam, scilicet, si inter sint electioni, ob aliquam vtilitatem, v. g. vt turbations impedianter, prout ex Compost. hic Abb. n. 13. Abb. antiquus, Baldus, Anton. & alij annotarunt. Ordinariè tamen non est permittendum laicis, vt electioni ecclesiasticæ intersint, prout docui in c. sacro sancta 51. hoc tit. Imò si se ita immisceant, usurpat aliqua auctoritate, vt clericorum libertatem aliquo modo impedianter, irrita erit electio, non ex vi huius can. sed c. quisquis 43. hoc tit.

Alterum. Constitutio ista non est ex natura rei, sed in pœnam introducta. Nam aliquin, spectatâ naturâ ecclesiasticæ electionis, reiecit laicorum, tanquam incapacium, suffragijs, vim obtinerent suffragia clericorum, iuxta

juxta iuris reg. 37. in 6. *Vtile non debet per innile vitiari.* Quod verum est, si Clerici non consentiant in laicorum suffragia; quia prohibere eos non possunt: secus, si expressè, aut tacitè consentiant; adeoque voluntariè laicos admittant. Hoc in casu electio, etiam secundum naturam rei, non est valitura, iuxta ea quæ dicentur in c. vlt. de Procurat. Nam, vt Baldus, Anton. & alij hīc annotarunt, vtile per inutile vitiatur in individuis, seu inseparabilibus; cuiusmodi etiam est decretum electionis, si à pluribus, tanquam uno Corpore, quorum vnu, aut aliqui incapaces sint. Videri potest Suar. tō. de Relig. lib. 2. de Religiosis, quatenus Prelati sunt, c. 4. in fine.

**Q**uestio autem, Num hæc constitutio principaliter edita sit in odium laicorum, selectioni immiscientur; an verò in odii clericorum illos admittentium; adeoq; si ponamus clericos extra culpam esse, quia per grauem metu coacti sunt laicos secum ad electionem admittere; maximè si etiam contraria protestantur, num electio valeat ex solis clericorum suffragijs, iuxta cit. reg. 37. in 6. Validam esse affirmat hīc Abb. n. 5. Henric. Boich. n. 5. existimantes fuisse sententiam Innoc. in c. Cumana in princ. hoc tit. Quare hæc sententia probabilis est; Sed arbitror contrariam iuribus conformem esse. Probatur I. *Quia ex verbis c. colligitur*, aliiquid supra id, quod ex natura rei est, in pœnam præsumptionis decerni. II. *Quia ex ejusdem c. verbis* appareat, præsumptionem laicorum hīc principaliter argui; *Ne per laicos cum Canonici Pontificis electio præsumatur.* III. *Quia canon iste indilictè loquitur*, electionem ita præsumptam (vid. per laicos) nullam firmitatem obtinere: Ergo ad nos non pertinet eum restringere; præsentim cùm materia eius principaliter favorabilis sit, videlicet ad immunitatis ecclesiasticæ conseruationem pertinens. IV. Sumitur argumentum ex c. quisquis 43. hoc tit. vbi, si textus diligenter expendatur, apparet, quod Innoc. III. in Concilio Lateran. tanquam principiū supponat; Electionē per secularis potestatis abusum factam ipso iure

irritam esse: Et exinde duo infert, primò quod qui tali electioni de se factæ consenserit, electionis commodo careat: Cur autem consentire aliquis non posset, si electio in hoc casu valida esset. Secundò, quod Capitulares malè agant, & ideo meritò puniendi sint, si electionem huiusmodi, quæ ipso iure irrita est, præsumperint celebrare. Itaque pars ista quæst. negatiæ ex eo c. clarè colligi videtur; nisi quis negare absque probabilitate velit, quod electio facta per laicos, vna cum clericis, per vim iniustam & grauem, se ingerentes, non censeatur facta per abusum secularis potestatis.

Tertium. Non videtur Gregor. IX. aliquid hīc de novo decernere voluisse, sed quod iari antè in ecclesia visitatum, & in suprà dicto Concilio generali definitum erat, ad casum, de quo interrogatus fuerat, accommodare voluisse. Quamobrem licet solum hic mentio fiat de Episcopi electione, tamen idem obtinere debet in alijs ecclesiasticis electionibus, quibus electo ius aliquod spirituale conferatur. Idque propter identitatem rationis: notumque est, si quid in certa causa à Principe responsum sit, ex identitate rationis, ad similia trahi debere, iuxta. non possunt 11. & seq. ff. de legibus. Et ita Imola, alijque DD. c. huius prohibitionem generatim accipiunt, rationem assignantes; quia ius eligendi non cadit in laicum: Licet Baldus hīc n. 5. contendat, de Episcopi tantum electione esse accipiendo.

Quartum. Laicorum nomine hoc in loco 2 seculares intelligi debent, vt aperte colligatur ex suprà cit. c. quisquis, cuius quædam confirmatio censeri debet hæc Constitutio, sicuti indicat Innoc. super hoc c. At verò Laii Religiosi, seu Conuersi, licet electioni Prelati interesset, sive coeligere non debeant, c. ex eo 32. §. In ecclesijs, hoc tit. in 6. tamen quæ hīc decernuntur, in hoc casu locum non habent, vt præter alios annotauit Boich. hīc n. 3. Idque vel ex eo colligitur, quia eiusmodi Conuersos per consuetudinem temporis immemorialis facultatem eligendi acquirere nihil obstat. Quæ est doctrina Innoc. in c. 2. n. 2. de Institut.

Bbb 3 NOTAN<sup>o</sup>

**3** NOTANDVM II. Nulla vñquam consuetudine obtineri potest, vt personæ laicæ & seculares ecclesiasticum Prælatum eligant. Consentit c. sacrosancta 51. hoc tit. Ratio duplex afferri potest; Prima, quia talis consuetudo ecclesiastice libertati aduersatur; & ideo, iure canonico ei resistente, præualere nunquam potest. c. 1. & vlt. de consuetud. Secundò, quia ius eligendi, cùm spirituale sit, non eadit in laicum; quare cum illud laicus absque Sedis Apostolicæ concessione possidere non possit, ideo nec longo vsu aut consuetudine quacunque præscribere potest, argum. c. causam quæ 7. de præscript.

## CAPITVLUM LVII.

## PARAPHRASIS.

Chm ecclesia Cathalanensis yacaret, conuerunt Canonici, atque diem electionis facienda statuerunt, absente G. qui ei conuentui interesse noluit. Postea adueniente die præstituto, & dicto G. cùm adhuc absens esset, non vocato, electionis scrutinium factum & publicatum fuit, atque repertum, quod quatuordecim N. presbyterum Cardinalem, septendecim vero R. canonicum Remensem elegissent, cui electioni postea adueniens dictus G. consensum suum addidit. In hac discordia ex vtraque parte missi sunt Procuratores ad Sedem Apostolicam. Et vero pro electione R. allegabatur, quod quatuor suffragijs altera electione superans maiorem Capituli partem (annumerato etiam suffragio dicti G.) habebat; quæ proinde etiā senior reputari debeat; cùm vbi maior numerus est, major etiam zelus præsumatur. Ex parte aduersa oppugnabatur electio R. quod is in ætate defectum pateretur; nec scientiam sufficientem ad Cathalanensem ecclesiam regendam haberet: Deinde apparere, cùm ij. qui Cardinalem elegerunt, meritis & auctoritate alios superarent, meliorem eos zelum habuisse, præsertim habitu respectu ad electum, quippe qui maturæ

ætatis, & eminentis scientiae sit. Addebatur ex parte hac, quod consensus dicti G. (quem pars fauens ipsi R. contempnū asserebat, quamvis pars altera diceret, quod potius ipse Capitulum non adueniendo contempserit) cùm non in scrutinio præstitus fuerit, sed postea accesserit, suffragiorum numerum augere non potuit. Denique vero perpendendum, quod Concilium generale sub Innoc. III. Papa, quando decernit, electionem invalidam esse, si contra formam in eo præscriptam peccatur, non debet ad contempnū & alia, quæ ad formam spectant, extendi; quale est illud, quod ibidem dicitur, vi omnibus præsentibus, qui debent, volunt, & possunt commode interesse, electionis processus instituatur ne aliquo nimia iurum antiquorum immutatio introducatur; cùm credendum non sit, Rom. Pontificem, cuius est iura tueri, quod aliás multis vigilijs excogitatum & inuentum est, quasi uno verbo evocare voluisse. Itaque his, quæ hinc inde proposita sunt, plenius intellectis, electio nō dicti R. quod in eum maior & senior pars non consenserit (prout in Concilio suprà dicto generali exigitur) Pôtifex ex Fratrum suorum consilio sententialiter irritandam esse duxit.

## SYMMARIVM.

1. Ecclesie Rom. Cardinalis, si Episcopu non sit, potest esse Cathedralis ecclesie canonicus.
2. Si quispiam ius eligendi habens, ab ecclesia absens citatus sit ad tractandum de die electionis instituenda, siq; tractatui interesse noluerit, debet postea iterum citari ad die electionis facienda, si eum ignoret.
3. Si Capitularis absens nunquam citatus alias scit prefixum terminum electionis facienda, non potest agere de contemptu.
4. Ad electionem requiritur copulativus, ut maior & senior pars Capitulini eadem consenserit.

Non